

سائیں اللہ دیتے بھیروی

گھر دیاں چیزاں ویچ کے تے.....

دھوکے باز فریبی دی ، ہر خواہش پوری ہندی اے
 دنیا اُٹے مومن نوں ، مل جائے کنارہ مشکل اے
 دفتر اندر ، وچ پکھری ، ظالم ، راشی بیٹھے نیں
 وائٹ کالر سُوراں اُٹے ، چلے آرا مشکل اے
 برگر ، پیزا کھا کے تے ، او منزل واٹر پینڈے نیں
 اوہناں نوں پانی ”کھارادر“ دا ، پینا کھارا مشکل اے
 اُچے لُچے ، بُجھاں والے ، وڈ وڈیرے ظالم نیں
 زانی ، غنڈے ، پین شراباں ، کہن گذارا مشکل اے
 ”نچ مجاہن ، نچ مجاہن“ ”آجا بہہ جا سائیکل تے“
 آوارہ گاندے کتیاں توں ، مَن پینا بھارا مشکل اے
 ”علی حیدر ، ابرار ، حدیقہ ، شارک ، بشری“ نچن گے
 ”قاسم ، خالد“ ”جنم اچھے ، احمد یارا! مشکل اے
 ”قائد اعظم لیڈر نے ، اک ملک بنا کے دتا سی
 اڈھا کٹ گیا اڈھا باقی ، رہ جائے سارا مشکل اے
 غریب عوام دے مٹی چکڑ ، بال ایانے زلدے نیں
 افسر کسے دے سُتے توں وی ، لگے گارا مشکل اے
 بچیاں توں پرچان دی خاطر ، ماں بہانے لاؤندی سی
 کئی دناں دے بھکھیاں توں ، آج دینا لارا مشکل اے
 مہنگائی دے ہتھوں زندگی مَن ، کجھ بُہتی اوکھی ہوئی اے
 ڈبے خردے بندیاں توں ، مل جائے سہارا مشکل اے
 گھر دیاں چیزاں ویچ کے تے ، بل جون دے بھر کے آیاواں
 ایہو سائیں ! حاکم تے وی آوے وارا مشکل اے